





G. 389 b. 18

No. [★] [★] G. 389 b 18

vol 1



Bought with the
Charlotte Harris Fund
Charlestown Branch.



L'HOROSCOPE DE MORGARD.



A PARIS,

Chez Iean Ballagny, en l'Isle du Palais,
rue Traversante, aux Fleurs Royales.

M. DCXIV.

L'HOROSCOPE DE MORGARD.

MORGARD tournant son A-
sphere
Menasse fort vne Escritoire,
Qui sert fidèlement la France;
La Plume, la Cire, dict-on,
Avec l'Ancre & le Cotton,
Sans auoir commis nulle offence.

Cest Astrologue si scauant
Passe bien encor plus auant,
Contre la propre Majesté;
Son liure ne vient pas des Cieux;
Aussi les Astres & les Dieux
Puniront sa temerité.

A ij

C'est vne espece de manie,
 Que nul homme sage desnie,
 De prouoquer l'ire des Dieux:
 Car aussi tost qu'on les offence
 On ne trouue lieu ny deffence
 Pour se cacher deffous les Cieux.

Quand ils seroient emmaillottez
 Dans vn berceau, leur MaïesteZ
 Dessoubz ceste forme d'enfance
 Ne laissent pas en leur cholere
 De nous enuoyer le tonnerre,
 Pour foudroyer nostre arrogance.

Le temps qu'il disoit pluuiieux
 Ne s'est pas fait voir à nos yeux,
 Sa menterie est toute claire:
 Le temps de son dire a passé
 De ce qu'il nous a menassé,
 Car nous n'auons veu que poulfiere.

S'il eust contemplé ce Flambeau,
 De tous les Astres le plus beau,
 Prenant le tour de la carrière,
 Approchant de son Orison,
 On ne l'eust pas mis en prison,
 Privé de sa douce lumiere.

S'il eust bien contemplé Saturne,
 Et les presages de Neptune,
 Il eust évité son mal-heur,
 Son infortune, sa disgrâce,
 De ses amis & de sa race,
 Qui detestent son deshonneur.

Si au lieu d'un meschant Sincope,
 Il eust cherché son horoscope
 Parmy l'influence des Astres,
 Au milieu de leurs mouvemens,
 Il eust prédit les iugemens
 Qu'il reconnoist en ses desastres.

Il le deuoit faire luy-mesme,
 Au lieu d'attendre si long terme,
 Non pas donner peine à la Cour,
 Qui a esté son vray Oracle,
 Sans auoir faict aucun miracle,
 Le condamner dans vne tour.


La peine est vn peu difficile
 D'endurer vne mort ciuile,
 Pour neuf ans l'arrest est amer,
 De l'auoir enuoyé sur l'onde,
 Comme le plus meschant du monde,
 Philosopher dessus la mer.

C'est là qu'il trouuera la guerre
 Qu'il predisoit, dans la Galere,
 Non pas en France Dieu mercy:
 C'est le Theatre d'un beau prologue,
 Le vray sejour d'un Astrologue,
 Qui fait des Almanachs ainsi.

S'il ne se fust equivoqué,
 Ou bien de quelqu'un prouoqué
 A s'exposer à ceste peine,
 Il eust prédit le temps qu'il fit
 Le mesme iour que l'on le mit
 Honteusement à la cadenne.

Son equivoque ne vient pas
 De la plume ny du compas,
 Son mal-heur vient de sa naissance,
 Soubz la planette qu'il fut né,
 L'ayant ainsi predestiné,
 Sans luy en donner cognoissance.

FIN.



5/10/11





